

KUPU APITI.

Rarangi Tuatahi.	Rarangi Tuarua.	Rarangi Tuatoru.	Rarangi Tuawha.	Rarangi Tuarima.
Te Aruhe-o-Pohatu 2B..	Mahitaone ..	Turei, 1 o Noema, 1921	1 o nga haora i te awatea	He rihi atu ki a Louisa May Tinkham.

Panuitanga i raro i Wahanga 2, Tekiona 27, o te Ture Whakaitikatika Whenua Maori, 1913.

HE whakaaturanga tenei i raro i Wahanga 2 o te tekiona 27 o te Ture Whakaitikatika i te Ture Whenua Maori, 1913, ko te Pehitini o te Poari Whenua Maori o te Takiwa Whenua Maori o Ikaroa, i a ia e noho ana i runga i taua tuunga ona i whakahaere i tona mana Tiati o te Kooti Whenua Maori i raro i te rarangi tuatahi o taua tekiona ki te wehewehe i te whenua e karangatia nei ko Himatangi 3A 2B. Ko ia enei ko nga wehewehanga e whai ake nei:—

- (1.) Himatangi 3A 2B, Rota 1: Tona rahi 143 nga eka e 20 nga paati: Ko taua wahanga mo Hepora Eruera.
- (2.) Himatangi 3A 2B, Rota 2: Tona rahi e 92 nga eka e 2 nga ruuri e 36 nga paati: Ko taua wahanga mo Iwi Eruera.
- (3.) Himatangi 3A 2B, Rota 3: Tona rahi e 200 nga eka i ruuri 13 nga paati: Ko taua wahanga mo Tawairoa Eruera.

Ko nga tangata e hiahia ana ki te piira i aua ota me tuku mai a ratou piira i roto i nga wiki e ono i muri iho i te ra i panuitia ai tenei whakaaturanga.

I tuhia i tenei te 11 o nga ra o Oketopa, 1921.

H. H. KINGI, Kai-rehita.

HE PANUITANGA KI TE IWI MAORI.

Tari o te Minita o te Ora mo te Katoa, Ponoke, 10 o Aperira, 1919.

I TE ekenga mai i nga motu o tawhiti ki enei motu i mua tata ake nei o te mate rewharewha uruta (*influenza epidemic*) he tino maha nga tangata o te iwi Maori me te iwi Pakeha i hingabinga i taua mate. Kei tupono tera ano taua mate e hoki mai, notemea kua pera hoki ki etahi atu motu. Na reira ko tatou me noho i runga i te tupato me te noho tiaki ki taua mate. Ko te huarahi marama ia he whakapai i nga kainga he tahi he horoi i nga whare he koko i nga paru me nga kino ka hari ki wahi ke kia mamao atu i nga kainga Maori me nga taone. Ki taku whakaaro hoki mo karanga he huihuinga ki ia takiwa ki ia takiwa a kia whakaturia he Komiti mo ia kainga huihuinga hei whakahau kia whakaritea nga tikanga horoi i nga whare a hei tahi i nga kainga kia takoto pai ai kia takoto ma ai. Me tahi ia whare ia ruuma kia ma rawa, ko nga puehu me nga paru me koko

ki waho ka tapuke atu. Ko nga paru hoiho kau ranei me whakawhaiti ka tahu ai ki te ahi. Ko nga whare me nga taiepa poaka me whakapai ka tahi kia ma, ko nga paru me tapuke atu. Ko nga paru manu katoa me tapuke atu. Ko nga puna wai me nga korere wai me pai tonu te tiaki kei taka he kino he paru ranei ki roto, kei tae ranei he manu he kararehe ranei ki reira inu wai ai a ka kino te wai.

Me whakarite ki ia kainga ki ia kainga he whare hei hohi-pera mo te tupono rawa ake o te hoki mai o taua mate e noho rite ana he whare motuhake hei takotoranga turoro, e watea ana ki tahaki ke o te nuinga o nga tangata. Ina tupono ki taua wa me waiho kia kotahi tonu he tangata hei tomo ki roto ki taua whare ara ko te tangata e whakaritea ana hei at-tiaki mo taua whare.

Mehemea ka rite a ka hangai hoki te whakahaere i enei tikanga katoa e tino mohio ana au e kore e rite te whiu a taua mate a muri ake nei ki tona whiu i tona taenga mai ka hori ake nei. Na reira, ka inoi ahau ki nga rangatira Maori katoa me te iwi nui kia tahuri kia awhina i tenei mahi tino nui. Kua e waiho kia eke rawa mai te hoa riri ki runga ki te pae ka korikori ai. I tawhiti ano ia e haere ana mai e hopu ana to ringa ki te patu. To patu ki to ringa mau ai inaianei.

G. W. RUSSELL,

Minita mo te Tari Whakaora.

T. H. A. VALINTINE,

Apiha Tumuaki o te Tari Whakaora.

CONTENTS.

LANDS—	PAGE
Extending Prohibition of Alienation ..	551
Proclaiming Native Land to be Crown Land ..	552
NOTICES—	
Declaring a Maori to be a European ..	552
Sitting of the Native Land Court at—	
Wairoa	552-553
Picton	553-554
Meetings of Assembled Owners—	
Aotea District	554-555
Tokerau District	555
Wairariki District	555
Ikaroa District	555-556
Partitioning Himatangi 3A 2B Poraka ..	556
Precautions regarding Influenza ..	556

I taia i runga i te Mana o te Kawanatanga o Niu Tireni, e MAKAHIA MAAKA, Kai-ta a te Kawanatanga, Ponoke.

